

寶鑑上

書局發行



外科寶鑑卷下

宋臨川陳自明良甫編

明吳郡後學薛已校註

清吳江徐大椿靈胎批評

論癰疽用麥飯石膏治效第三十九

李氏云。麥飯石膏。治發背癰疽神妙。惜世罕知。有患者。因膿不潰。以毒藥罨之。其勢益甚。毒延咽喉脚膝。皆為不治。余用此膏。一夕頓潰。凡疽得膿。其毒始解。或有不潰者。須用此膏。故錄之。俾精擇脩合。以取十全之功也。

愚按前症。屬腑屬陽。而氣血未損者。用前膏敷之。固無不愈。然亦有屬臟屬陰。而氣血有虧者。當審其因。而調治其內可也。大凡瘡瘍之作。由胃氣不從瘡瘍之潰。由胃氣腐化瘡瘍之歛。由胃氣營養。余嘗治初結未成膿者。託而散之。已成欲

作膿者。託而腐之。膿成未潰者。託而開之。膿已潰者。託而斂之。東垣先生云。胃氣乃生發之源。為人身之本。丹溪先生亦謂。治瘡當助胃壯氣。使根本堅固。厥有旨哉。詳見附錄用藥

加減之法

麥飯石膏

白麥飯膏

炭火煨醋淬數次。研極細。二兩。

鹿角

生取帶腦骨者。斷之用炭火燒烟盡。研極細。四兩。

右用米醋調和。入砂器煎。以竹片不住手攪熬成膏。先以猪蹄湯洗淨。以鷺翎拂塗四圍。乾則以醋潤之。若腐爛用布帛攤貼之。

論癰疽敷神異膏功用第四十

凡疽症。先以麥飯石膏塗之。俟瘡根漸收。却敷神異膏斂之。夫



癰疽之發有淺深故收斂之功有遲速斷不可早用收口之藥恐毒氣未盡後必復發為患匪輕但麥飯膏難於脩合用神異膏亦効。

愚按前症若毒已解而不生肌收斂者元氣虛也用六君子湯壯其脾胃則肌肉自生設有餘毒亦能自解詳見附錄用

藥関鍵

神異膏

露蜂房

蜂鬼多者一兩

玄參

錢五

蛇蛻

鹽水洗一兩

黃丹

水飛炒五兩

麻油

斤一

亂髮

男子者如鷄子大

杏仁

一兩

右先將麻油入砂器煎髮熔盡下杏仁更煎黑入蜂房蛇蛻仍煎黑瀘去入黃丹急攪試軟硬得中即成膏矣其丹不必



拘定前數凡膏藥用日久必老硬煎時預取嫩膏少許如硬
量和之

愚按神異膏乃解毒生肌之良劑若毒既解而肌不生當治
其內不可泥為有餘之症率用功伐以致毒在內者不能發
散在外者不能收斂其為禍不淺夫有餘者熱毒也虛火也
不足者陰虛也營氣也瘡毒特其形耳

家藏神驗血竭膏

當歸

酒洗

白芷

大黃

生用

黃連

黃蘗

木鱉子

去殼

皂角

杏仁

露蜂房

各一兩

乳香

沒藥

血竭

各三兩

亂髮

男子者一兩

黃丹

水飛細炒晒

麻油

右除乳沒血竭餘入油煎焦去粗入髮熔化下丹將柳枝不

住手攪候軟硬得中入乳香等攪勻即成膏矣

愚按血渴膏取其以毒攻毒也若瘡惡已去毒氣既消宜用神効當歸膏以其生肌續筋也

厭熱神白膏

大黃

白蘞

黃柏

生用

南星

赤小豆

黑蛤粉

各一兩

右為末用芭蕉汁調塗如乾仍以汁潤之

愚按神白膏藥味多寒而南星之性辛溫佐之有効加草烏

尤妙

牡蠣地黃膏

大黃

一兩為末

牡蠣

用鹽泥封固煨赤出大毒研細二兩

生地黃

水浸

右研生地黃汁調塗患處如乾更用汁潤之



愚按前膏苦寒鹹寒之劑。症屬純陽。用之殊効。然此症亦有屬純陰者。亦有屬半陰半陽者。治法見附錄用藥關鍵

李氏云。疽疾既成。先服取毒之藥。外敷麥飯石膏。五七日後。病漸減。合用川烏二鳥丸。以活血氣。生肌肉。排宿膿。祛風邪。後服內補十宣散。

川烏丸治發背活經絡

大川烏去尖去皮 木鱉子去殼 當歸 赤芍藥

蘇木 獨活 羌活各一兩 沒藥另研

五靈脂去砂炒 穿山甲蛤粉炒

右各另為末。酒糊丸。桐子大。每服三十九。溫酒下。

二鳥丸治發背託裡定痛祛風涼血

羌活 薄荷葉各三兩 川芎 玄參



地榆

麻黃去根節

蔓荊子

旋覆花

荊芥蕙

防風

天麻

白芷

白殭蚕

直者去絲足嘴炒用

牛蒡子

炒

甘菊花

各二兩

大川烏

去皮尖炮

何首烏

不見鐵器

粉草

炙各四兩

蟬蛻

洗去土足半兩

右為末煉蜜丸彈子大每服一九細嚼茶酒任下

愚按前二丸用之對症固善然病有多端而所因不同恐不

可槩施也治者審之此論妙甚用藥要毒對症

論癰疽口緊小硬論第四十一

李氏云大抵疽口緊小而硬者蓋因風毒所勝合用蚣蝎散

口以神異膏貼之

蚣蝎散

赤足蜈蚣

一條去頭足

全蝎

三箇去足生用

右為末用猪蹄湯淨洗搽之

愚按前症乃風寒滯於瘡口而未傳於內也。凡傷損之症尤多此患。經云風症善行。數變入臟甚速。死生在乎反掌。當急分表裡虛實而治之。其邪在表者善伸數欠。筋脉拘急。惡寒惕搦。脉浮而弦。宜羌活防風湯和解之。傳於裡者舌強口噤。項背反張。筋惕搐搦。痰涎壅盛。胸腹滿悶。或便溺閉赤。時或汗出。脉洪數而弦。宜大芎黃湯疏導之。其汗初出者由風熱鬱於裡。亦宜大芎黃湯之類下之。若熱既退。臟腑已和。而汗仍出者。表虛者宜白朮防風湯以實其表。然解散和解疏導三法。此治暴患之症。氣血未損者。若膿瘀內燬。而見前症者。宜針之急。投十全大補。或口噤遺尿。乃氣血虛極。亦用十全大補。加炮附子。大抵此症若因膿血去多。宜以補中益氣。加

火有虛有實宜辨明而用藥不可造次用

羌活主之。或人素多痰。因傷損而見風症。宜二陳白朮芎歸
梔子芩連。氣虛加四君。血虛加四物。血氣俱虛。內熱甚而生
風者。宜四物參朮柴芩梔子。若因怒傷而見前症。宜小柴胡
湯倍加川芎山梔天麻釣藤鉤。若患破傷風。至三五年。忽然
復發。或跌撲而患者。皆氣虛有痰所致也。用二陳參朮芎歸

主之。

治驗見正
體部

論癰疽喉舌生瘡如菌第四十二

李氏云。癰疽不服內託散。或失宣內毒。致咽喉口舌生瘡。甚則
生紅黑菌。害人甚速。當用琥珀犀角膏治之。向有患此症者。諸
法不効。余用此藥一日而安。

愚按前症。多因酒色過度。虧損腎水。虛火上炎。或五疳元氣
消燂。虛火上攻。而致治當滋其化源。最忌黃柏知母之類。恐

復傷胃氣也。

附治驗

○大尹王汝鄰。兩足發熱吐痰如湧。左尺數而無力。余謂足三陰虛彼反。服四物二陳黃柏知母之類。喉舌作痛。又服清熱敗毒之劑。其舌如赤桃。脉洪數而無力。此脾肺復傷腎經虧甚。虛火上炎。水泛而為痰也。當滋化源以生腎水。遂用補中益氣湯。六味地黃丸而愈。

○二字韓宗器不慎起居。舌脹如菌。痰湧便秘。服芩連二陳之類。脉浮而數。欲針出血。余謂此足三陰虧損之症。且有形而不痛者。陽之類也。法當峻補其陰。母損其血。況虛浮之脉乎。遂朝補脾肺。夕滋腎肝而愈。後因大勞。面目俱赤。遍身搔痒。時已仲冬。余曰。大熱而甚。寒之不寒。是無水也。乃用制火壯

水之劑而愈。搖城金允文。舌脹吐痰。反服降火化痰針刺出血便秘。痰甚。余診之。左尺關洪數。右寸關弦數。用滋腎水。生肝血益脾胃之劑。諸症少愈。因近火頓面赤身痒。六脉弦數。余謂此水竭火升之象。難免于春二月矣。於次年清明日果卒。

琥珀犀角膏

真琥珀

研

犀角

一鎊各錢

辰砂

細研極

茯神

去皮心各二錢

片腦

研一字

人參

三錢

酸棗仁

去皮炒二錢

右為末煉密丸彈子大每服一九麥門冬煎湯化下

愚按前方雖有人參茯神酸棗仁安神補氣但琥珀等四品氣味辛散恐虧損真氣須審症而用之可也

李氏云。痘疽之症。不服託裏之藥。熱毒內攻。喉舌生瘡。甚致黑

爛當服犀角散以解其毒。

犀角屑

玄參

升麻

黃芪

赤芍藥

麥門冬心去

生粉草

當歸各一兩

大黃微炒三兩

右為粗末每服三錢水煎

愚按前方破血降火內疎之劑也。若其脉沉實大便秘結發熱作渴喜飲冷者屬熱蓄於內方可用之。若其脉虛浮大便不結發熱作渴畏飲冷者乃屬血虛於外可用當歸補血湯。若尺脉洪數而無力發熱作渴小便頻數者屬腎水不足虛火上炎宜用加減八味丸蓋此症多因腎水虧損虛火上炎故也。

論癰疽膿成用替針丸第四十三



北京中醫藥大學圖書館藏

臨症當照
此篇施治
毋得錯亂

脉法醫人
須當熟記
之宜辨不
可忽也

曾氏曰。癰疽膿熟。塗以替針丸。瘡口自開。古人云。癰疽能殺人。若針藥得其宜則生。失其宜則死。可不慎哉。

愚按瘡瘍之症。若毒氣已結。腫赤熾盛。中央肉死。黯黑者。內用託裏健脾之劑。外用烏金膏塗之。則黯處漸低。赤處漸起。至六七日間。赤黯之界。自有裂紋如刀劃狀。其黯漸潰。若用鉗針利剪。徐去猶好。須使不知疼痛。不見鮮血為善。若膿未流利。宜用針於紋中引之。若膿水已出。腫痛仍作。乃內筋間隔。亦用針引之。若元氣虛弱。誤服剋伐之劑。患處不痛。或肉死不_潰者。急溫補脾胃。亦有復生矣。後須純補脾胃。庶能收斂。若妄用針刀。去肉出血。使陽隨陰散。是速其危也。若膿潰而煩痛未痊。脉洪滑粗散者。真氣虛。而邪氣實也。為難治。脉微瀋遲緩者。邪氣虛。而真氣將復也。為易治。

論癰疽割傷第四十四

李氏云。癰疽有悞搽毒藥。或針刀開割。瘡口不合。不可用澁藥之藥。宜用猪蹄湯。北艾湯間洗。傳貼神異膏。及服內補十宣散。內託黃芪丸。

愚按經云。脾主肌肉。脾健則肉自生。然其勢熾甚。宜用前藥以消其毒。毒將盡。宜用四君湯以養脾。詳見附錄用藥關健

內託黃芪丸

治針砭所傷。惡寒發熱。膿水不止。肌肉不生。瘡口不斂。

黃芪

兩八

當歸

洗焙
三兩

肉桂

去外
皮

木香

沉香

乳香

另研各
一兩

萊菔末

四兩

右為末。用姜汁。豈末糊丸。熟水下。

愚按前症。若肌肉傷。而瘡口不斂。用六君子湯。以補脾胃。若

凡治大症。收口宜照此用藥。以固其本也。

氣虛惡寒。而瘡口不斂。用補中益氣湯。以補脾肺。若血虛發熱。而瘡口不斂。用四物參朮。以滋肝脾。若膿多而瘡口不斂。用八珍湯。或十全大補湯。以養血氣。經云。脾主肌肉。如前藥未應。但用四君歸芪。以補脾胃。更不應。乃屬命門火衰。急用八味丸。以壯火生土。若脉數發渴者。難治。以真氣虛而邪氣實也。

論癰疽寒熱多汗用藥第四十五

李氏云。近有數人病背疽。或先寒後熱。先熱後寒。或連日。或間日。必嘔痰大汗而止。皆用柴胡。恒山不應。余謂此因脾氣不正。復感寒邪。痰盛而作。遂先用不換金正氣散。次用排膿內補散。木香湯三日即愈。

愚按前症。若外邪既去。而仍作。宜用六君子湯。以補脾胃大

凡胃氣虛而作嘔者。必喜溫熱。毒內攻而作嘔者。必喜寒治。當辨之。詳見附錄用藥關鍵

家傳不換金正氣散治感冒風寒或傷生冷或瘴瘧或疫癘

蒼朮

米泔浸炒四兩

厚朴

姜汁拌炒四兩

粉甘草

炙二兩

橘紅

焙三兩

藿香葉

半夏

姜製各二兩

木香

濕紙裹煨

人參

白茯苓

各一兩

右每服五錢姜棗水煎

論癰疽食毒物發熱第四十六

李氏論云。凡癰不可食牛羊鷄鰕魚酒麵燂炙之物。犯之必發熱。宜服梔子黃芪湯。大凡臟腑已利瘡毒已潰氣血既虛。最當調護。若發熱而服涼藥。無不致禍。

梔子黃芪湯

